

直隸趙州志卷末

雜考

舊志雜考二卷其可入諸目者已採附於前編至於引據論斷雖時移事異無裨於今日而實有關於當時之政教者又未可以先哲之言而俾其遺亡也謹仍輯爲一卷以備後日之採擇焉

趙州志

卷末

雜考

一

趙原

按舊志郡邑表書戰國時趙都趙城遷於平棘卽此
今備闕列史俱無考見惟趙獻子城平邑或誤以爲
平棘與因述趙原趙之先出自柏翳其裔孫中行衍
降佐大戊新序曰大業之後其趙氏乎夫自中行衍皆嬴姓也中行衍降佐大戊世有明德
十餘世而有造父爲周繆王御有功賜以趙城在今山西
洪洞由此爲趙氏造父以下六世至叔帶去周如晉
事晉文侯始建趙氏於晉國叔帶以下趙宗益興五
世而生夙晉獻公使伐耿取之因賜夙以耿夙之孫
哀從公子重耳出亡歸任國政爲原大夫居原二世

趙州志

卷末

雜考

二

而有下宮之難又一世而立孤兒武復與田邑武二

世孫鞅是爲簡子簡子在位以法誅公族羊舌氏奪

其邑以僚安爲楊氏大夫卽今甯晉之地周敬王二十九年

齊弦施伐郟郟卽今柏鄉也會荀虞納中行文子於柏人名

柏仁一名柏鄉按元大德中泚水張守約作光武廟記云廟於古郟之南柏仁之北則柏仁疑卽今之柏

鄉也一統志以爲唐山縣是其地以唐山境內有古柏仁城址尙存耳然則柏仁柏鄉固壤地之相接者

與簡子圍中行文子遂有柏人又二世而爲獻子治

中牟地里志曰河南中牟縣趙獻侯徙此汲冢周書曰齊人伐趙東鄙圍中牟史記正義曰此中牟

在河北非鄭之中牟也蓋趙界自漳水以北不及城

此則地里志言非是又按牟山在邯鄲之西南也城

泚氏大事記曰竹書紀年晉烈公元年趙獻子始城泚氏在山西澤州高平縣又城平邑

地理志曰代郡有平邑縣獻子卒烈侯籍立與韓魏共分晉地自

立為諸侯又更二君而為敬侯始都邯鄲安王二十

一年借兵於楚伐魏取棘蒲即本州地漢高祖封陳武為棘蒲侯食邑於此

二十四年與中山戰於房子今臨城縣地顯王十二年魏

會趙成侯於鄆十八年與魏盟漳水上漳水故道今在甯晉成

侯二世為武靈王城鄆未幾中山引水灌鄆鄆入中

山赧王五年武靈王遊於大陸今甯晉隆平地有夢神女之

事八年北畧中山之地至房子十年復取鄆三十四

年漳水出三十七年徙漳水武平西四十年廉頗攻

魏房子拔之因城而還五十七年秦伐趙魏公子無

趙州志

卷末

雜考

三

忌救趙大敗秦師趙以鄆為公子湯沐邑五十九年

周亡又七年為趙孝成王之十五年燕王令丞相栗

腹攻鄆趙使廉頗將大破栗腹於鄆殺之繆王遷元

年城柏人七年秦人攻趙趙王遷降邯鄲為秦趙氏之國

至此始滅又明年為秦始皇二十六年分趙地為鉅鹿郡

以常山信都平棘饒陽博陵俱隸鉅鹿二世之亂楚將武臣自立為趙

王為將李良所弒趙將張耳陳餘乃立趙歇為趙王

居信都未幾秦章邯擊趙楚將項籍救解之遂徙歇

為代王立趙相張耳為常山王今元氏地居數月陳餘擊

張耳走之復迎歇王趙居常山州之西界漢王二年韓信

下趙井陘斬陳餘泚水上擒趙王歇

卽今臨城之地趙氏之裔始絕

四年韓信既定趙地請王張耳遂立耳爲王入年帝

擊韓王信餘寇過柏人趙王張敖

耳子帝婿

執子媯禮甚

恭帝不爲禮趙之陪臣貫高等恥之壁人於廁中謀

弒之帝欲宿心動而去九年敖廢徙如意爲趙王尋

被殺景帝四年徙廣川王彭祖爲趙王

卽敬肅王分封子封侯者

凡一十人

武帝元封五年初置冀州刺史領九國以趙

國隸之更始元年趙國大豪李育擁卜者王郎稱帝

於邯鄲二年大司馬劉秀行收兵下房子遂拔廣阿

據之

卽隆平舊縣名秀拔輿地圖指示鄧禹曰天下郡邑如是今始得其二卽此

是時寇

趙州志

卷末

雜考

四

恂彭寵吳漢蓋延等從耿弇以上谷漁陽兵行定郡

縣與長史景丹咸東會秀於廣阿拜於城下秀出見

大喜俱封列侯進拔邯鄲斬王郎更始立秀爲蕭王

明年六月蕭王自中山行至南平棘

卽今州地漢之縣名

諸將

請尊號不許行至鄗羣臣復奏請乃卽位於鄗南改

鄗爲高邑章帝建初七年勞賜趙國吏人元和三年

三月丙子詔高邑令祀光武於卽位壇

在今古鄗之南舊有廟

己卯帝進幸趙靈帝中平元年鉅鹿張角以妖術作

亂號黃巾賊詔下冀州逐捕趙地大擾獻帝初平二

年袁紹以張揚兵與南單于屯漳水

時漢號令不建行地屬於袁

安九年曹操襲破袁紹自領冀州是時地又屬於曹有下冀州令晉

惠帝永興二年成都故將公師藩寇掠趙地懷帝永

嘉三年漢石勒來寇趙地六年攻陷之自稱為趙王

此時五胡雲擾地土朝漢暮趙不能悉記 孝武太元二十一年魏王珪使

冠軍將軍于栗磾開韓信故道自井陘進攻趙地悉

降之梁武帝大通元年葛榮陷魏殷州此時魏分定相二郡置殷

州在廣阿即今隆平地二年春二月魏高敖曹邀擊殷州刺史

爾朱羽生大敗其眾夏四月魏李元忠舉兵逼殷州

冬十一月魏高歡敗爾朱兆等軍於廣阿簡文帝大

寶元年齊主高洋如趙州趙州之名始此隋恭帝皇泰元年

趙州志

卷末

雜考

五

賊帥魏刁兒竇建德等劫掠趙地二年建德取唐趙

州唐中宗嗣聖十五年突厥陷趙州元宗天寶十五

年安祿山反賊帥史思明攻陷趙郡夏四月郭子儀

李光弼與史思明戰敗之進拔趙郡九月史思明復

陷趙郡肅宗寶應元年賊帥張忠志與僕固懷恩戰

敗以趙州降代宗廣德元年以趙州隸成德軍節度

德宗建中二年成德節度使李寶臣卒子維岳拒命

張孝忠擊敗之其將康日知以趙州降三年春三月

詔復趙州吏民為李維岳迫脅者赦之夏四月朱滔

王武俊反發兵救田悅寇趙州秋七月李晟救趙州

時晟總禁軍三萬次於趙南浚河上命客張彧作安濟橋銘

憲宗元和十年昭義

節度使郗士美大破王承宗於柏鄉昭宣帝七年晉

王遣周德威將兵屯趙州十二月梁王景仁等進軍

柏鄉晉王自將至趙州與德威合距柏鄉五里營於

野河之北尋拔營退守高邑八年晉王伐梁軍於柏

鄉大破之二月留周德威戍趙州十八年二月成德

軍張文禮作亂據趙州八月晉兵拔趙州十九年晉

師圍鎮州不克退保趙州李嗣昭戰死周世宗顯德

二年浚葫蘆城李晏口

時遼人入寇民因殺掠議者以葫蘆橫亘數百里可以限

其衝突故浚而城之即今甯晉之地

命張藏英留兵戍之河內之民始

趙州志

卷末

雜考

六

得休息宋太祖開寶二年詔趙州管內鎮砦縣悉城

之冬十月詔趙州丁夫死太原城下者復其家太宗

雍熙三年契丹大舉入寇攻趙州大掠而去詔給復

二年涪化五年河北轉運使耿望開鎮州常山鎮南

河水入浚河至趙州有詔褒之真宗咸平二年契丹

主隆緒入寇趙州帝自將禦之徽宗崇甯四年陞趙

州為慶源軍

此後朝政不綱羣盜大起復以金人入寇來往趙地遂為戰場欽宗靖

康元年金人入寇姚古种師中等追幹離不於趙

此後

金復入寇執徽欽割兩河地以界金趙遂屬金

高宗建炎二年和州防御使

馬擴奔贊皇五馬山砦得皇弟信王榛於民間奉之

總制諸砦甯宗嘉定六年蒙古分兵攻金河北諸郡
悉拔之趙地人民殺戮幾盡理宗寶慶元年蒙古史
天澤討武仙於趙州武仙奔贊皇西山彭義斌以兵
救仙天澤擒斬之度宗咸淳六年蒙古復贊皇縣元
順帝至正二十年紅巾賊帥屠甯晉陷趙州時欒城人韓山童以白蓮道教首亂事覺被擒劉福通以其子韓林兒稱帝而紅巾賊紛紛四起二十七年
擴廓帖木兒敗貊邦傑於趙州明洪武元年十一月
大將軍徐達副將軍常遇春率師下趙州以參隨王
成守之民始睹太平矣

雜識

趙州志

卷末

雜考

七

蓋嘗觀周禮大司空之職凡造都鄙制其地域而封溝
之以其室數制之不易之地家百畝一易之地家二
百畝再易之地家三百畝鄭司農註曰不易之地歲
種之地美故家百畝一易之地休一歲乃復種地薄
故家二百畝此則周時授民之田雖曰百畝而必辨
其土宜以制多寡之數故肥瘠皆熟而無甚貧甚富
之民且如上地畝收一鍾中地下地歇其土利則所
收之倍亦當一鍾是有不齊之田而無不齊之穫聖
王仁民之權也今以趙州論之本州西南一方與臨
城贊皇俱係沙瘠東北一方與甯晉隆平俱係鹼鹵

比於他處膏腴不啻倍蓰而稅糧差役概地攤派實爲不均近議以沙灘或三畝或六畝折作小白地一畝此卽倣周禮一易再易之意但以小白地折作徵糧地又有不同如以徵糧地派徵則州縣之地有以七八畝折一畝者有三四畝折一畝者如以小白地派徵則州縣所用丈尺大小各有不齊故寬狹亦未能均一然則同律度量衡在今日所當講求者也

趙州與甯晉縣境內田地國初大半拋荒永樂遷山西屯留長子等民實之聽令開墾永不起科而拋荒者尙存十之二三永樂宣德等年乃撥神武右衛左千

戶等所軍餘屯種每一屯計卒二三十名每屯計地數十餘頃如楊扈柏舍諸屯是也其法軍餘一名給田五十畝原額屯田每畝徵糧一斗二升新增屯田每畝徵銀一分五釐而近歲又增派數倍矣然則向之永不起科者又詎有定例耶又豈獨民地然耶

彭文憲公在憲廟時極諫莊田之弊其畧曰太祖聖旨凡北地方新開荒田不問多少永不起科有氣力的儘他種以後遵守不曾加增天順二年太監韓諒奏討踏勘的無糧田地英廟不許後因廣甯侯劉聰等每攪擾民間方將前地并韓諒還官地減輕起科誠

出無奈且如地有高阜者有低窪者有平坦磽薄者
天時不同地利亦異且如亢旱則低處得過而高處
全無水澇則高處或可而低處不熟沿河者流徙不
常鹵鹵者數年一收截長補短取彼益此必須數畝
之地僅得一畝之入今若一畝只量與一畝餘皆奪
爲間田以業勲貴臣知民之窮困非死卽徙耳自古
立國皆重根本今眞定所隸州縣近在畿內理宜加
厚況且戚里功臣之家錦衣美食與國咸休但能存
心忠厚自能富貴兩全奚待與民爭衣食之利哉按
文憲此疏最爲有益而卒無以易之如甯晉隆平二

趙州志

卷末

雜考

九

縣莊田不下數百頃反居民田之半誠以澤斬五世
者復之以與民豈非重本之意與

本州原額民壯三百七十五名快手三十八名有司四
時操練簡其什伍要以備城守緝盜賊而已嘉靖二
十五年賊犯山西都御史劉隅奏請添設兵備副使
一員駐劄井陘而近固關諸隘口各遣兵屯戍每歲
孟秋遣行季冬還家率以爲常如防守娘子關口則
本州遣義官二員民壯五百名黃沙嶺口段里口老
婆窰口廟兒崖口白城口谷家崖口泥堯子口虎寨
溝口不禿嶺口石榴嘴口

俱六縣
防守

凡寨口九處共防

守典史一員義官六員陰官一員壯勇二千三百三十二名今承平無事防守地方調遣壯勇亦無常居常額而原編民壯快手之數月異歲殊難以定準矣

按黃沙嶺至谷家崖六口俱屬贊皇去固關各一百里有奇泥堯子至石榴嘴四口俱屬山西樂平平定去固關一百三十里有奇固關卽古井陘口正統二年建防守官軍隸於眞定正德八年賊勢猖獗以都御史林廷玉提督紫荆等關贊理軍務九年都御史張洵建議設管關通判王隆眞定府帶銜曲陽住守

趙州志

卷末

雜考

十

而黃沙諸嶺口尙無戍兵自嘉靖二十二年爲賊犯山西乃遣本州縣典史義民等官帶領壯勇防守亦一時應敵之計初非爲定例也值邊塞晏然而戍守如故老師費財無救於用議者以爲無事之時著令州縣將前項應遣壯勇撫恤操練養其精銳待有警急率之前往百里之程朝發夕至正如李牧日收市租饗士一舉而用之可必成功也何至坐老其師使之逍遙翱翔有清人之歎乎又若娘子關口去固關二十里固關既有重兵而此口又有常守千戶一員軍二十名防守眞定衛指揮一員眞神二衛旗兵三

百名亦非單弱之甚則州縣調遣壯勇尤在所當省矣今成邊日重而內地日虛識微君子尙有慨於斯焉邱文莊曰國家常制之外於京畿之中別爲寓兵之法用唐人之議而不泥其故迹因今日之便而不變其常制可得勁兵數萬視彼列屯坐食之眾游手參食之徒蓋有間矣且如每縣因其原額里社制爲隊伍以所居就產爲定里社丁戶有不足者移其少而就多使之整然有定數每一百里百戶分爲二隊五十名立一總甲視軍衛每隊分爲五小甲甲十名視軍衛又合十里爲一都甲視軍衛而屬之州縣州

趙州志

卷末

雜考

十一

縣屬之府其十年輪當里甲咸仍舊焉凡民差役如皂隸柴夫等類科派如歲辦和買等類一切蠲除之歲惟養民納糧二事他賦役皆無焉其民籍十年一造如舊例其兵籍每歲秋季一造籍不可以戶而爲丁丁不可以二而爲一單丁則合諸他每丁自造軍裝器械如軍伍制有司歲時閱視有不如度及損壞者易之此法倘行非但可以足兵亦可以省費內可以壯中國之勢外可以懾強敵之心於國計豈小補哉按文莊之策近而易行深得居重御輕之要趙地自漢唐間人才最盛明時隆慶元年養於學校者

如本州生員二百三十名可謂盛矣養士之例凡考
居優等既加廩膳而諸生每名又復免地二頃人丁
二丁待之者亦可謂厚矣然求其庸心實學慷慨濟
世者視古不無少衰焉豈繁文委節不足以激勸耶
抑亦習尙頽靡或不能以自振耶

按圖志英顯王廟在劍州卽梓潼神姓張諱亞子其先
越雋人因報母讐徙居劍州之七曲山仕晉戰歿人
爲立廟唐明皇西狩追封左丞僖宗入蜀封濟順王
宋咸平改封英顯又按文昌六星在北斗魁前爲天
之六府道家謂上帝命梓潼神掌文昌府事及人間

趙州志

卷末

雜考

三

祿籍元加號爲輔國開化文昌司祿宏仁帝君而天
下學校多立祠以祀之不知文昌之星與梓潼無干
今合而爲一誠出附會有道者毀之可也

殷啟曰燕趙之俗崇尙浮屠菴觀寺院星列碁布雖窮
鄉下邑香火不絕至於五岳行祀玉帝仙妣之類尤
爲瀆亂不經且無名蹟可紀故多削而不書

甯晉有漳水故渠按金仁山註禹貢衡漳卽今漳河有
兩源其一出今平定軍樂平縣少山者曰清漳其一
出潞州長子縣發包山者曰濁漳沈存中謂凡二水
合流而有文者皆名漳酈道元以濁漳爲衡水以清

漳東南流而濁漳橫入之也又按唐志冀州以衡水名縣而漳水在縣治之南一里洛州舊以清漳名縣而其地有衡漳瀆則衡漳本是一名而甯晉密邇衡水則所存故渠當爲濁漳其東南流而入清漳無疑矣舊志則曰漳水過南宮至於百尺溝又至於楊氏甯晉甯晉故名又北至於宋子本州舊縣名則此水在昔自東而西又折而北也今故道不可考矣

滹沱故道在本州東北南流入甯晉界始折而東北流一說古九河中徒駭卽滹沱之訛禹貢曰北過泲水至於大陸又北播爲九河信九河俱在大陸之北則

趙州志

卷末

雜考

三

以徒駭爲滹沱疑亦近之地理志云滹沱在滄州之清池而以釣盤入河皆在滄瀛德棣之間是以九河去大陸數百里失其旨矣金履祥曰滹沱河出恆岳諸谷而衡水與之合流恐恆衛旣徙卽滹沱爲是則又以恆衛爲滹沱也是否俱未可知今滹沱故道已堙一遇霖潦匯爲巨浸父老猶有指其迹者

大陸在甯晉隆平二縣界爾雅高平曰陸大陸云者四無山阜曠然平地故曰大陸在九藪之數亦名廣阿澤杜佑李吉甫謂邢趙深三州皆大陸之地按地說大河東北流過泲水千里至大陸爲地腹蓋古河本

穿西山之麓以北流既出於澤西山勢斷地勢廣平
脊上諸水鍾匯於此爲藪河水泛溢又盤洄其間是
爲大陸沈存中謂大陸昏濁泥所埋今爲平土可耕
治也其在於今旱暵既無瀦畜滯潦又無宣洩近澤
之民反受其敝矣

趙王游於大陸夢處女鼓琴而歌詩曰美人熒熒兮顏
若茗之榮命乎命乎曾無我羸異日王飲酒樂數言
所夢想見其狀吳廣聞之因大夫而納其女娃羸孟
姚也孟姚甚有寵於王生子何乃廢太子章而立之
吳娃死愛弛憐故太子欲兩王之猶豫未決故亂起

趙州志

卷末

雜考

十四

父子俱死爲天下笑其亦大陸之夢先爲之厲階也
與

漢書馮奉世傳曰趙封馮亭爲華陵君與趙括拒秦戰
死於長平宗族由是分散其在趙州者爲官師將官
師將子爲代相及秦滅六國而馮亭之後馮無擇馮
去疾馮劫皆爲秦將漢興馮唐卽代相之子也夫馮
亭嫁禍於趙致有長平之戰坑卒四十萬而其子孫
居趙趙人不翦滅之何也亦可以見當時之民之心
矣

燕王令丞相栗腹約驪於趙還國報燕王曰趙民壯者

皆死長平其孤未壯可伐也王召昌國君樂間而問之對曰趙四戰之國也其民習兵伐之不可王不聽起二軍車二千乘使栗腹將而攻鄗廉頗爲趙將破殺栗腹頗旣廢免長平歸故里故交盡去又復爲將客復至頗曰客退矣客曰吁君何見之晚也夫天下以市道交有勢則從無勢則去此固其理有何怒乎毛公薛公史失其名毛公隱於博徒薛公隱於賣漿家魏公子無忌時留趙欲見之兩人自匿不肯見公子乃間步從之游甚歡平原君聞之謂其夫人曰始吾聞夫人弟公子天下無雙今乃與博徒賣漿者游一

趙州志

卷末

雜考

五

妄人耳夫人以告公子公子乃謝夫人去曰始吾以平原君賢故負魏王而救趙今觀平原君之游徒豪舉耳不求士也無忌在大梁時常聞此兩人賢至趙恐不得見以無忌從之游尙恐其不我欲也今平原乃以爲羞其不足從游乃裝爲去平原君聞之遜謝固留公子留趙十年不歸秦聞公子在趙日夜出兵東伐魏魏王患之使使往請公子公子恐魏王怒竊符事不敢歸戒門下有敢爲魏王使通者死賓客皆背魏之趙莫敢勸公子歸毛公薛公乃往見公子曰公子所以重於趙名聞諸侯者徒以有魏也今秦攻

魏魏急而公子不恤使秦破大梁而夷先王之宗廟
公子當何面目立天下乎語未及卒公子立變色告
車趣駕歸救魏魏以上將軍印授公子公子遂使使
徧告諸侯將五國之兵破秦軍於河外走蒙騫追至
函谷關秦兵不敢出

按毛薛二公舊志載隱逸傳高邑縣志初載流寓傳後入雜記

今錄於此

太史公曰吾聞馮王孫曰趙王遷其母倡也嬖於悼襄
王悼襄王廢適子嘉而立遷遷素無行信讒故誅其
良將李牧用郭開豈不謬哉然我觀郭開豈惟譖一
李牧當廉頗在魏趙王思之使使者視頗尙可用否

趙州志

卷末

雜考

六

開素饗頗多與使者金令毀之頗見使者一飯斗米
肉十斤被甲上馬以示可用使者還報曰廉將軍雖
老尙善飯然與臣坐頃之三遺矢趙王以爲老遂不
召而趙王爲秦所敗語曰利口之覆那家此之謂也
馮唐論魏尙爲雲中守上公幕府獲首差六級文吏繩
之以法削其爵秦法以斬敵一首拜爵一級故因謂
一首爲一級魏尙差上首六級而致以罪亦可見漢
法之嚴矣今將吏虛張獲首奚止六級耶而竟無繩
之者

吾邱壽王以善格五待詔格五卽象戲也今人名曰象

碁蓋局中人將與敵對壘旁有二士左右遮護所行五道過五而止故云格五壽王以此待詔亦淺之乎事君者矣

李謚初師小學孔璠受學其後璠還就謚請業同門生為之語曰青成藍藍謝青師何常在明經

李翱問藥山禪師如何是道師曰雲在天水在瓶翱作偈曰練得身形似鶴形千株松下兩函經我來問佛無餘話雲在青天水在瓶

李固言未第前行古柳下聞有彈指聲問之應曰吾柳神九烈君已用柳汁染子衣矣科第無疑果得藍袍

趙州志 卷末

雜考

七

當以棗糕祀我固言許之未幾狀元及第雲仙雜記

趙州石橋其工磨礪密緻如削望之如初月出雲長虹飲澗上有勾欄皆石也勾欄並為石獅子龍朔中高麗謀者盜二石獅子去後復募匠修之莫能相類者天后時默啜破趙州欲南下至石橋馬跪地不進但見一青龍臥橋上奮迅而怒默啜乃遁去朝野僉載

州東常信村西四里許有一廟故老相傳漢光武北徇時至此飢渴遇一老婦提水一瓶光武求飲之又將水倒於地人馬愈飲愈深用之不竭人疑為神泉光武即位後勅建祠云昭濟聖母廟門內鑿一井至今

遇旱災祈禱輒應

見碑記

張長發大夫莊人忠厚和平性孝友喜任俠娶妻李氏早亡繼娶甯邑趙羊孟村趙氏夫婦諧和氏年三十一歲一產三男稟知前州尊德公德公以爲奇命州吏造門驗之賜名長曰大慶次日二慶三日三慶取其爲德門之慶亦足見邦家之光也遂賞布帛各二匹每月給米八斗以備養贍其時親友登堂賀者各賦蝻斯三章而退厥後趙氏壽享百有餘歲子孫繁衍

文昌祠舊在文廟東明天啟五年知州王家徵重建春

趙州志

卷末

雜考

六

秋二仲月祭風水家以祠入墓地文星不顯

國朝康熙十年知州祝萬祉同鄉紳張暎王懿等建閣東南城上沙河店南門外亦有祠

北齊時李搔妹法行趙州人幼好道截指自誓不嫁遂爲泥所居去鄴三百里往來恆步在路或不得食飲水而已雉兔馴狎入其山居房室齊亡後遭時大儉施糜粥於路異母弟宗侃與族人孝衡爭地相毀法行曰我有地二家欲得者任取之何爲輕致憤訟宗侃等慙遂讓爲閒田

一統志

趙郡李安世出爲相州刺史廣平李波宗族強盛殘虐

生民百姓語曰李波小妹字雍容褰裙逐馬如卷蓬
左射右射必疊雙婦女尙如此男子那可逢安世設
方畧誘波斬於市

魏書

唐李尙書翽席上有舞柘枝者顏色憂悴殷堯藩侍御
當筵而贈詩曰姑蘇太守青娥女流落長沙舞柘枝
滿座繡衣皆不識可憐粉臉淚雙垂李公詰其事乃
故姑蘇臺韋中丞愛姬之女也李公曰吾與韋族其
姻舊矣速命更舞衣延入與韓夫人相見顧其言語
清楚宛有冠蓋風儀遂於賓榻中選士嫁之舒元興
侍郎聞之贈李公詩曰湘江舞罷忽成悲便脫蠻靴

趙州志

卷末

雜考

充

出絳帷誰是蔡邕琴酒客魏公懷舊嫁文姬

唐詩紀事

西山先生題楊文公所書遺教經曰昔唐李文公問藥
山禪師曰如何是黑風吹船飄落鬼國師曰李翽小
子問此何爲文公佛然怒形於色師笑曰發此瞋恚
心便是黑風吹船飄落鬼國也藥山可謂善啟發人
矣以此推之則知利欲熾然卽是火坑貪愛沉溺便
爲苦海一念清淨烈焰成池一念警覺船到彼岸災
患纏縛隨處而安我無怖畏如械自脫惡人侵凌待
以橫逆我無忿嫉如獸自犇讀是經者作如是觀則
知補陀大士眞實爲人矣

困學紀聞

王武俊節制鎮冀劉言史造之武俊善騎射載言史以
貳乘先騎驚雙鴨起於蒲稗間武俊控弦不再發雙
鴨聯斃於地武俊歡甚命言史曰某之技如是先生
之詞如是可謂文武之會矣何不一言以贊耶言史
馬上草射鴨歌以示武俊議者以爲禰正平鸚鵡賦
之類也全唐詩話

趙州瞽僧能喫墨作畫上布五色亦喫之毛提舉家一
虎蹲大樹下旁臥一青彪虎目爍爍如金望之毛髮
森豎雖趙邈齷不能過也殆佛氏所謂六根互用者

耶續夷堅志

趙州志

卷末

雜考

二十

輔達趙州人寓居崇德宋乾道間

孝宗年號

爲後軍統制孝

宗欲處以邊郡問其能勝任否曰當以家法治之又
問何法曰子視兵民愛惜財賦遂除知秦州語察案
曰吾目不識字手不能書但心能燭理耳郡中果稱
治子廣字漢卿師事朱文公爲大儒

元王信甫好古博雅慕甯晉陳茂行之才德遂爲莫逆
之交於茂行處卜爲舍邸相與吟詠酬和每數日始
一歸一日陳茂行作衰柳詩以寄云病葉先秋落漸
稀冷煙殘樹晚離離亞夫營畔風含恨陶令門前雨
帶悲不見飛花揚暮景空餘疎影臥龍池柔條老去

光陰盡茂院逢春再有期信甫見之驚曰吾友平昔作詩雅有豪邁氣今詩如此大爲失常急往視之茂行逝矣信甫哭之痛因賡其詩以挽茂行末云一時衰弊君休怨律煖風和有後期人皆以知言

張會好學工古文隱居不仕自號爲鈍菴

程體仁字育寰天性孝友事寡母王氏承歡有道伯叔昆仲十餘人荒年皆仰給焉以詩禮傳家爲趙右族子廉任廣西柳城縣

國朝鄭方坤有趙城雜詠云少婦繅絲手不停丁男策犢滿郊坳更無挾瑟兼談劍舊話傳來太不經

趙州志

卷末

雜考

三

劉育堂

穀萬

由詞林出宰臨潁有快晴七律云直從月

額雨如澆盼到新晴破寂寥上界天高雲氣歛中衢泥濺水痕消著沽酒屐纔穿市聽賣花聲又過橋料得晚來人不悶一輪明月照吹簫又回任後過草店舖有感句云覆局棋盤重著子逢場竿木又隨身連日大雪吟以誌喜云二紅準喫明年飯三白頻開臘月花菊影云微窺生相霜無跡細認前身月有痕看來晚節渠如許印到秋心定幾層

李兆元筆
舫雜錄

趙地多種棉花郡人翟徽之繇花攷曰天祿識餘曰通鑑梁武帝木棉兒帳史照釋文曰木棉江南多有之

以春二三月下種既生須一月一耨至夏生黃花結實及熟時其皮四裂中綻出如縣土人以鐵鋌碾去其核取如縣者以竹爲小弓長四尺五寸許牽弦以彈之令其自細卷爲筒以車紡之自然抽緒如纒絲狀織以爲布此卽今之縣花也縣有三一曰絲縣出於蠶緝一曰木棉出於交廣名班枝花一曰草縣史照釋文所言形狀是而以解木棉則非也其曰竹爲小弓以彈之今之彈棉花者正如是今之制縣花弓長六尺以羊腸爲弦彈之聲如晴雷邱文莊謂縣花元代始入中國殆未考史照之說也唐李商隱詩木

趙州志

卷末

雜考

三

棉花發鷓鴣飛南中木棉樹大盈把花紅似山茶而蕊黃花片極厚非江南所藝者雲南阿迷州有之嶺南尤多廣東通志曰木棉亦謂之吉貝唐時自外國賈舶來始於粵東之瓊儋後乃徧天下正定府志曰縣花本作縣一名曰疊一名古終本草有草本三種交廣樹大如抱花如山茶實大如拳中有絮如鵝毛抽其緒紡爲布此木棉也南史謂之古貝草種者四月下種莖弱如蔓高者三尺葉有三尖入秋開花黃色間有紅紫者結實如桃熟時其皮四裂中綻如縣縣中有子如梧子大亦有紫縣者此縣花也其種本

出南番今則徧及南北荔青軒曰農家多呼綿爲桃
瓣五六核或六七核多則綿厚紅黃者白種也

趙州志

卷末

雜考

三